

## MOJA DZIOUCHA

Zerkōm na Twoji włosy wysznupane,  
wiatrym smogane

W niywoli myśli ciało zamknyte,  
tak szwarnie ôdlone.

Zerkōm w Twoji oczy blyszczōnce,  
na uśmiech skozone

Dziōbek gorkimi kuskami halany,  
w nim tela młodości.

Zerkōm na Twojo dusza  
kero tak cni do przonio,  
uczuciy blank pełno...

Głos jako bździnek czułościōm rażōny,  
eli szum przykopy na gōrce,  
to szept serca?

Zerkōm na Twoji rynce wyzgerne,  
sōm dotykiym anioła?


Szłapki gryfne niczym gazelo,  
i taki moji

Jeżeś darym dlo zmysłōw,  
ôczōw pociyszynio

Wōniōm ôsnuto

Ōbrazym wōndyrnego tworzynio.

Posłańcym przania?



Sama Jeżeś Przociym ,  
myślōm na żywotku mojigo świata  
Jeżeś by dować mu blask radości,  
i klucze do rajū...

MOJO DZIOUCHO!!!

Jromantyk